

## 2. gr.

Reglugerð þessi, sem sett er samkvæmt heimild í 17. gr. laga nr. 38/1954 um réttindi og skyldur starfsmanna ríkisins, öðlast þegar gildi.

*Fjármálaráðuneytinu, 17. maí 1996.*

**Friðrik Sophusson.**

*Birgir Guðjónsson.*

## SKIPULAGSSKRÁ

### fyrir Styrktarsjóð hjartveikra barna.

## 1. gr.

Neistinn, aðstandendafélag hjartveikra barna, stofnar hér með sjóð, sem heitir Styrktarsjóður hjartveikra barna. Heimili og varnarþing sjóðsins er í Reykjavík.

## 2. gr.

Stofnfé sjóðsins er framlag Neistans, aðstandendafélags hjartveikra barna, að fjárhæð kr. 500.000 og skal það haldast óskert. Stjórn sjóðsins skal varðveita eignir sjóðsins. Hún skal leitast við að ávaxta sjóðinn á sem hagkvæmastan og öruggastan hátt, þannig að hann nái að þjóna tilgangi sínum sem best.

## 3. gr.

Tekjur sjóðsins skulu vera:

- A) Vextir og arður af eignum sjóðsins.
- B) Gjafir og áheiti sem sjóðnum kunna að berast.
- C) Fé og annað verðmæti, sem safnast hefur og mun safnast í nafni sjóðsins.
- D) Annað fé sem sjóðnum hlotnast.

## 4. gr.

Markmið sjóðsins:

- A) Að styrkja fjárhagslega hjartveik börn og aðstandendur þeirra.
- B) Að stuðla að framförum í málefnum hjartveikra barna á Íslandi.
- C) Að styrkja fjárhagslega önnur veik börn og aðstandendur þeirra, ef ekki eru önnur félög eða sjóðir þeim til styrktar.

## 5. gr.

Stjórn sjóðsins skipa 3 menn.

Yfirlæknir barnadeildar Landspítalans tilnefni einn ásamt varamanni hans.

Stjórn Neistans skal tilnefna tvo ásamt tveimur varamönnum, annar aðalmanna skal vera stjórnarmaður í Neistanum. Tilnefningar skulu gilda í 2 ár í senn, í fyrsta sinn skal stjórnarmaður Neistans þó aðeins vera eitt ár í stjórn sjóðsins.

Fyrsta tilnefningin gildir frá stofnun sjóðsins.

Stjórnin skiptir sjálf með sér verkum. Gjaldkeri hennar skal hafa á hendi vörslu fjármuna sjóðsins.

## 6. gr.

Stjórn sjóðsins úthlutar úr sjóðnum og metur þörf umsækjenda. Stjórnin skal vera sammála um mat á þörf og úthlutun úr sjóðnum. Stjórnin skal afgreiða umsóknir er henni berast eigi síðar en 4 vikum eftir að þær berast henni.

## 7. gr.

Reikningsár sjóðsins skal vera almanaksárið. Reikningar skulu endurskoðaðir af lög-giltum endurskoðanda.

## 8. gr.

Breytingar á skipulagsskrá þessari má gera, ef það telst nauðsynlegt, eða málefnum hjartveikra barna til hagsbóta. Breytingartillögur skulu hljóta einróma samþykki stjórnar sjóðsins.

## 9. gr.

Verði sjóðurinn lagður niður, skulu eignir hans renna til þeirrar sjúkrastofnunar á Íslandi sem sinnir hjartaaðgerðum á börnum. Einróma samþykki stjórnar sjóðsins þarf til að leggja hann niður.

## 10. gr.

Leita skal staðfestingar dómsmálaráðherra á skipulagsskrá þessari, sbr. lög nr. 19/1988 um sjóði og stofnanir, sem starfa samkvæmt staðfestri skipulagsskrá.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytinu, 15. maí 1996.*

F. h. r.

**Þorsteinn Geirsson.**

*Fanney Óskarsdóttir.*

## AUGLÝSING

### um breytingu á aðalskipulagi Reykjavíkur 1990-2010, Laufrimi, staðgreinireitur 2.541.0.

Samkvæmt ósk borgarstjórnar Reykjavíkur hefur skipulagsstjórn ríkisins þann 8. maí 1996 staðfest breytingu, sbr. 3. og 4. mgr. 19. gr. skipulagslaga nr. 19/1964, á aðalskipulagi Reykjavíkur 1990-2010, frá 20. febrúar 1992 með síðari breytingum.

Breytingin er fólgin í því að 5000 m<sup>2</sup> stofnanalód við Laufrima verður svæði fyrir íbúðabyggð.

Borgarstjórn Reykjavíkur tekur að sér að bæta það tjón, er einstakir aðilar kunna að verða fyrir við breytinguna.

*Umhverfissráðuneytinu, 21. maí 1996.*

F. h. r.

**Magnús Jóhannesson.**

*Hrafn Hallgrímsson.*